

Kayëte kigëna mba Pol nte kerëhnëka Timote Wade yehëhna hnë inji kayëte

Afayik Pol kerëhnëka kayëte kigëna Timote, «ajë mën ale ÿahnëbu hn'ikwëtahn». Mpëd Pol cëdik Rom hna (1.8, 17), yëbëlan bëhn wafëhw mbëd g'iryaw̃ g'imbëd g'iryaw̃ gë bëhn wafëhw imbëd g'iryaw̃ g'imbëd gë warar (66 gë 68) ga ndëcëk hnagi Yesu ÿa. Kayëte nte hamënayend ye. Pol njëtëk gojëlähna d'us cëmahn. Ñad kamënaÿehna Timote nko kahnënda hnë vakaraŋ Vikerëh hna, lakënde haryënkwa hambah hna do horot hna do vakaraŋ wamër. Andënkwëtehnëdëha uyëd Wënu ña nte nuÿak ña wati le tindëkawo Pol wëbák ña, uyëd ule rëfëka mbalëtahn soje d'oku lëwu ÿa hnë vacery sali hna. Pol njëd'aka fëna Timote siyab lëwu ÿa dënk hnë wapuhnala kayëte hna.

Wëlin wanës wakwëhn nafa hn'ini kayëte: d'oku, ikahnënda, fanka, uyëd, toña, dënkwëta, wanës, ayohal.

Wëlin gante nke kayëte ka:

Simpaÿi (1.1-2)

Ikamënaÿehn hn'ikahnënda (1.3-18)

Sodafe Këris (2.1-13)

Ayohal afërën, ayohal Ahwëhn (2.14-26)

Wafac warëkwa (3.1-17)

Pëyahna Wanës Wën (4.1-8)

Wanira watëkwa do gë simpaÿi rëkwa (4.9-22)

Simpaÿi

¹ Ami Pol, ale ye afayik Yesu Këris kabi Wënu ña ÿak koyëna, soŋe pëyahñ uwám ule ntehnëko Wën njëdafëhëhni vahnë vële hwëtahnëka Yesu Këris va, ² kerëhñëryidëmi Timote, fatah mën fante ÿahnëbu hn'ikwëtahn. Arabi Wën Rëm ÿa do gë Yesu Këris Ahwëhn fu ÿa njëdënihi ipërëna gë ikaÿëhnahn do gë yam.

Ikamënaÿehn hnë kahnënda

³ Camëhnëdëfuha Wën hunte ryokujëhnëdëfu g'inahan pacah, had vacërakëlo mën, nahadëmi g'umëd gë g'anent nte-wo-nte njëfadëfu ña. ⁴ Ndënkwëtaðëfu wankwën hu ña, do ñankahnëko ðus vok hnuÿi pëbahno uhnatah wã. ⁵ Ndënkwëtaðëfu ikwëtahn hu paryi nte kwëhnaniho ten vëhni hnëmuh sankaf Lowis gë hnëmuh Ënis ña. ⁶ Soŋe rac ryënkwëtehñahnëdëmi wañi: yaÿwëñëry ðus uyëd Wën le hnuÿaru ante tindëmino wëbák ña. ⁷ Kabi Iyir ante njëdafëfu Wënu ña nambëna fanka, Iyir nte yabëñëdëhëfu fanka ye gë iñahn do gë iyët vankaf fu.

⁸ Awa antë cëfëhni soŋe aye sedë Ahwëhn fu ÿa, ma ami ale séd'ik soŋe lëwü ÿi. Bare korotëntëryi g'ami soŋe Wanës Wakasëk ña alihahnënd fanka fale njëd'aki Wënu ña, ⁹ umë ale fehëtëkëfu do wacëkëfu nkeyin wëfacah. Gena soŋe ifërën ile lifën ÿa, bare ipëhna dëwü ña

✧ **1:4** 1.4: Vantiyehn 20.37

dënk ye gë ipërëna dëwu ña. Ipërëna tac, nte yëdayinëkëfuno hnë Yesu Këris kobëri wapëgwa hna, ¹⁰ tame tufahniko g'icahn Afëhët fu ña, Yesu Këris. Umë rëkwehnëk fanka icëm fa do, gë Wanës Wakasëk ña, njëtëdanëk uwám paryi g'uwám usër. ¹¹ Do soñe iÿi doku Wanës Wakasëk tëhnako Wën yewu afëyah, afayik do aharañ, ¹² do soñe rac horotahnëdëfu aki. Bare cëfëhnëlohna, kabi njëtëbu hnë ale kwëtëbu ikwëtahn mën ña do pacëko kwëhnak fanka njawën ile kwëtehahnëko ÿa hafo hnë Fac Kiti hna.

¹³ Yawënerÿ dÿs wanës toña wante wëryëru hnë ÿal mën ñi, hnë ikwëtahn do gë hn'inqahn nte ye hn'ibëmënkël gë Yesu Këris hna. ¹⁴ Keryëry dÿs, gë idema Iyir Ipacah nte ye hnë fuhnë ña, wapërën wante hwëtehahniru ñi.

¹⁵ Njëtëru vëvë Asi va fop tavëniho, hnë vërac nkentiniho Fijel gë Erëmojen.

¹⁶ Arabi Ahwëhn a kaÿëhnahna gë tere Onesifor ÿa, kabi umë njawënehnedëhowo wati-wo-wati, do cëfëhnëlawohna g'ami ale sëdiko ÿa; ¹⁷ bare ante njijëko Rom ña, njëkëlehnëkowo gante-wo-gante hafo nuwo. ¹⁸ Arabi Ahwëhn a ndemahna nuÿa ikaÿëhnahn Wënu ña hnë Fac Kiti hna. Njëtëru alëbëhni vahnë va fop gante ndemako ka hnë nkol Efes hna.

2

Sodafe Këris

¹ Awa wëjë, ajë mën hn'ikwëtahn, njëkëlehnëryind ayawënanand g'ipërëna nte ye hn'ibëmënkël gë Yesu Këris. ² Do

wante harañëmi tase wasede wayabah, kwëtehnañëryihni vahnë vële hahnëndak, vële seryëk do hođ vëhni dënk karañënihëhni vëhañary. ³ Korotëntëryi g'ami had sofade fërën va Yesu Këris. ⁴ Sofade le ye hnë đoku, ge ñad nuña icamehn asankaf alëwu ãa, kwëtahnëđina nëf viyë vivë đuniña vi. ⁵ Ale lobëlëđ kodina nuña ge dënënëna sariya dobël ña. ⁶ Ayam ale horotëk đoku ña rëfëka tok ten le njamëk hna. ⁷ Nahary đus wante hnësëhnëmi ñi, do Ahwëhn a ntid awëry fop.

⁸ Dënkwëtaryehna Yesu Këris avë hnënk Ahnañ David, ale vëhnëndaniko hnë vësëm, had gante karañëđ Wanës Wakasëk wante fëyahñëđëfu ñi. ⁹ Soñe wañi Wanës Wakasëk horotëđëfu do ñabibu dënk gë vankënca had añen. Bare wanës Wënu ña ñabina! ¹⁰ Soñe rac ryuñënahñëđëfu fop, nuñahnëni vële tëhñak Wën va fëna ipëh nte ye hnë ibëmënkël fu gë Yesu Këris ña gë icëmb nte wok puđina ña.

¹¹ Wëlin wanës toña ña:

«Age cëmëntinëkëfu hn'ikwëtahn Këris hna,
kwëhnantëđenëhëfu fëna uwám wã g'umë.

¹² Ge nduñëñayinëk,
nañëntëđenëhëfu g'umë.

Ge njahëtayinëka
umë fëna njahëtađëhëfu.

¹³ Ge fuhnë kahnëndayilënëhna,
umë nkod kahnënda
kabi kodina njahëta umë dënk.»

Ayohal afërën

14 Dënkwëtehnëryindëhni vahnë va wani fop do gabëryihni gë fanka haryënkW Wën hna antë konkëndëni soñe wanës. Wasonko warac kwëhnana nafa, ge gena mbëvehnëhni vële hnëpad va. 15 Kamënaray aye ahnë ale lid fërën do cëkwa Wënu ña, ale wok cëfëhnëdilahna gë doku lëwü ÿa do fëyahnedf g'usatah toña wanës Wënu ña. 16 Kehary fop wanës wakwëhn nafa këm do wok tëfëlëna g'ikwëtahn ña, kabi vële yehahnëk watac ña ñawëtadëniha g'ahawary Wënu ña. 17 Wanës wadëw hni ña had hajëhn hacër nkedf. Hnë vahnë vërac nkentini Imene gë Filet. 18 Ñawëtani toña ÿa. Vëhni lehnëdf Wënu ña tëk mbëhnëndanëfu vësëm hna do koyëna, tavëtehnëdfënihëhni vëryampo ikwëtahn dëw hni ña. 19 Bare Wënu ña ñjawënëkëhni vahnë vëlëwü va had sah ryënkwëryënkW cery nte njëryëk. Wani wanës herik hnë rac: «Ahwëhn a njëtëkëhni vëlëwü va», do kat: «Ale-wole fëyahnek Ahwëhn a hwëhnëka, tëfëka tav wameh ña.»

20 Hn'acery nkWamah hna, gena viliyara vante ryëhwarik gë sanu ma gë koryi fo ye hnam, nke fëna vante fërik wadëhwa ma ÿahanik g'intil. Vëndampo soñe vële lënënik va ye, vëyëntaw soñe vële wok vëlënënina va ye. 21 Awa ge ahn'a pacënak gë fop wameh ña, gë viliyara vële lënënik mëntëndëlehnëdfeni. Apacënik, nëfa soñe Ahwëhn a, pëhwëtik nti fop doku fërën.

Ayohal Ahwëhn

22 Garyëry fop iña meh nte ye hn'ujar hna; yëkëlehnëryind usatah wã gë ikwëtahn ña gë

inahn ɲa do gë yam ŷa, aye gë fop vële wëcadëha Ahwëhn g'intawary pacah va. ²³ Bare kehary vankwajëla vante wok kwëhnana nafa va. Njëtëru sonko fo nagëd. ²⁴ Ayohal Ahwëhn a tëfëlahna nke ale sonkëntëde, tëfëka nke ale ŷahnëkëhni vahnë va fop, do kwëhna uyëd ikaraɲ vahnë do nke ale ryuñënad wameh wante ntehnëde ɲa. ²⁵ Tëfëka karaɲëndëhni wajira vële wajëtendëha va, mpëd Wënu ɲa gwëcëtëd wahakili walëw hni wã soɲe njëtahnëni toña ŷa. ²⁶ Koyëna wahakili walëw hni wã mbokad cat do cahnëdëni hnë urënd Sintani nte likëhni vëramp, ntihahnëni iña dëwu.

3

Wafac warëkwa

¹ Yëtëry waɲi: hnë wapuya duniŷa hna, nked uhorot usankaf. ² Vahnë va vankaf vantëw hni fo ñadëni, ñandëni koryi, mbëntandëni, naŷënanëni do njewëndëniha Wënu ɲa, vëwawëhnëdilélihna vële hnagëkëhni va, vësamëhnëdiléhniha, vëlënënëdilahn Wënu ɲa. ³ Njapëdëni, vëhwëhnadina kaŷëhnahn, nësëndëni wameh vahnë, vëwëkëdina wankaf vantëw hni, mbahnëdëhëhni walaŷary do ñewëdëni ufërën ŷa. ⁴ Nkedëni vëroka vëyënta hni, rëkëdëni ntiyarëndëni ile-wo-le do naŷëna ɲa kwëyëndanëdëhëhni. Uhnatah lëw hni fo rëkëdëni ñandëni gena Wënu ɲa. ⁵ Ntiyëhnadëni had vële hahnëndak soɲe Wënu ɲa, bare njahëtafëni fanka ikwëtahn fa. Naŷëtaryihni vële ye koyëna va.

6 Vëryampo hnë vëhni ntidëni fere hafo tënkeni hnë watere do maŵehnëdënihëhni vësëval vële pëbëk wameh do wasifa iña meh fop hahëdëhëhni. 7 Kwëlëkwël njëkëlehnëdëni ñëñani bare vëhodina tëkënëni muk uyët toña ŵa. 8 Had gante nkwajëtehnënihawo Moyis, Sanes gë Sambëres, koyëna vëyi vahnë nkwajëtehnëni toña ÿa. Vahnë vëhwëhn hakili rumpak ye do ikwëtahn dëw hni ña yaŵëna. 9 Bare vëyidina ñaŵët, kabi vahnë va fop kamahnëdëni hnamb hakili lëw hni ŵa, had gante nkeho soñe vëhni Sanes gë Sambëres ka.

10 Bare wëjë, njëtëru d'us ikarañ mën ña, njasa mën ña, vile fëhnabu va, ikwëtahn mën ña, iduñëna mën ña, inahn mën ña, ikahnënda mën ña. 11 Njëtëru d'us gante mbërehniibu ka do gante korotëbu ka Antiyos hna gë Ikoniŷum hna do gë Lisëtër hna. Ha, paryi nke mbërehniibu d'us, bare Ahwëhn a pehëtëko hnë wañi fop.✧ 12 Fop vële ÿad tëfalëndëniha Yesu Këris va korotëndëni. 13 Bare vahnë vëwëh va gë vësihna va nkodëni tëwädëni kwëlëkwël hnë wameh hna. Tokadënihëhni viyëntaŵ va do tokadëni vëhni fëna. 14 Awa wëjë, yaŵënëry d'us ile yëñaru ÿa gë ile ŵaŵëru g'ipacahn. Njëtëruha ale ÿañëndëki ÿa. 15 Ha, njëtëru Vikerëh Vipacah va kobëri hn'utah hu hna; kod' njëdäyi yasery le yodëhi g'ipeh g'ikwëtahn hnë Yesu Këris. 16 Wënu ña lik hafo fop Vikerëh va nke wanës wadëwu. Nëfak soñe karañahnini vahnë va, ni-rahni, catënahni do kwëdahnini hn'usatah.

✧ 3:11 3.11: Vantiyehn 13.1-14.28

17 Koyëna vahnë vëva Wën va kwëhnadëni wëka fadah soņe ntihahnëni fop vantiyehn vapëren.

4

Pëyahñ Wanës Wën

¹ Tëyëdëmi gë fanka fa, haryënkw Wën hna do haryënkw Yesu Këris ale hitiņëdëhëhni vële wok vesëmëna gë vële sëmëk per, ge mbokajëk kahnënd inaw̃ dëwu ña: ² pëyahñëry wanës Wënu ña, pëyahñëry lakënde gena wati ile tëfëka hna; niraryind, ñañëraryind, kamënañëhñëryind do karaņëryindëhni g'iduñëna cankañ. ³ Wati rëkid, vahnë va vëwodina ñandëni nëpa karaņ pacah ña. Iña dëw̃ hni ña fo pabëdëni. Mëcadënihëhni kore vëharaņ vële rëkëd nësëndëni wante hnëņëdëhëhni fo. ⁴ Ciņadëni vanëf va soņe antë nkwëryëni toña ña do ciņëtani nkwëryahnëni wamër ña. ⁵ Bare wëjë, kwëtëry hakili hnë vile-wo-vile hna. Duñërary horot w̃a, diry doku afëyahñ Wanës Wakasëk ña, padëñëry dūs doku le njëdfaki Wënu ña.

⁶ Kabi ami yëdahnëña yëbu ntaw̃ary mën ña had sadëha do biyëdina cëmëdëfu. ⁷ Mëtëbu uwët fërën w̃a, puhnañu idobël iña, njaw̃ënëbu kwëtahn ña. ⁸ Tame buña imëk iña napëdëho: apënkwa imëk nte njëdadëho Ahwëhn hnë Fac Kitiņ hna ye do gena ami fo, bare soņe fop vële ñahnëd ifoka dëwu ña ye.

Wanira watëkwa

⁹ Diry fere ayij ñap arëkato. ¹⁰ Demas tavëko, kabi iñi duniña tëfëk; Tesalonik njik.

Këresen umë Galasi njik do Tit Dalëmasi njik. ¹¹ Lik fo wolahnëbun. Yoja Marëk, kabi kod ndemawo hnë doku Wën hna. ¹² Tisik, umë Efes sañëtëbuha. ¹³ Ge njijëdu yonëhne cud kwëhn huji nte ravëhëbuho Tërowas hna vëhni Karëpus hna; yoryaj fëna vëkayëte va, do dënk vante herik hnë wayand va.

¹⁴ Alekësandër aryëhwar a ntikoŵo ntavah yabah. Bare Ahwëhn a cosëdëha doku vantiyehn vantëŵu va. ¹⁵ Keharyehna wëjë fëna umë! Kabi nkwajëdëho dus wanës fu űa. ¹⁶ Ahnë demalowohna ante nësadëfuhu hnë kitiűa hna, fop tavënihowo. Arabi Wënu űa antë cosëhni doku vantiyehn vantëŵ hni va! ¹⁷ Bare Ahwëhn a ryemakoŵo do njëdakoŵo fanka falëŵu fa. Awa koyëna kolëbuho fëyahnëndu Wanës Wakasëk űa gë fanka, do fop vële wok vëyena wasëwif va nkwëryëdëni. Do Ahwëhn a pehëtëko hnë wës vësëhn hna. ¹⁸ Ahwëhn a fehëtëko hnë wameh hna fop do pehëtëdëho ndëno hn'inawë dëŵu ibë g'ambin hna; cëmbëndënfuna kwëlëkwël! Amina.

Simpaűi rëkwa

¹⁹ Gaűëhëhni Përisëka gë Akilas do gë tere Onesifor űa. ²⁰ Erasët Korent hna nkok. Do tavëbuha Tërofim Mile hna kabi tesëko.

²¹ Yij ñap ani gë tëkahnind wati wëh űa. Ebul gë Pudën gë Linus gë Këlodiya do gë fop vëyënta fu va nkaűëryidënihi.

²² Arabi Ahwëhn a nkenti gë wëjë! Arabi ipërëna dëŵu űa nke gë wuhnë fop! Amina.

**Vikerëh Vikasëk Wën gë Wapëgwala
Wamey: Vikerëh Vikasëk Wën gë Wapëgwala (New
Testament+)**

copyright © 2018 Wycliffe Bible Translators, Inc.

Language: (Wamey)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 21 Feb 2024 from source
files dated 29 Jan 2022

f961026b-f72f-5bd7-9f75-efa7f932577e